

TOFAUTI YA WANAADAMU

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

TOFAUTI YA WANAADAMU

Katika makala iliyopita tulielezea kuhusu hekima za Mwenyeezi Mungu, na tukathibitisha hekima hizo kutokana na alama tunazozishuhudia katika ulimwengu huu mtukufu, katika makala hii tutaelezea alama nyengine zinazoonesha na kuthibitisha hekima za Mwenyeenzi --:Mungu ni uumbaji wa wanaadamu katika hali tofauti, kama inavyosema Qur-ani

هُوَ الَّذِي يُصَوِّرُكُمْ فِي الْأَرْحَامِ كَيْفَ يَشَاءُ لَا إِلَهَ إِلَّا هُوَ الْعَزِيزُ الْحَكِيمُ [1]

Yeye ndiye anaye kuundeni ndani ya matumbo ya wazazi kwa namna apendayo. Hapana .mungu ila Yeye, Mwenye nguvu na Mwenye hikima

Ushahidi mwengine unaoonesha rehema za Mwenyeenzi Mungu ni kuzaliwa kwa mamilioni ya wanaadamu katika maumbile tofauti, kabila, lugha, lahaja, n.k yote hayo yanaonesha tofauti --:iliyopo miongoni mwa wanaadamu, kama inavyosema Qur-ani

يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَى وَجَعَلْنَاكُمْ شُعُوبًا وَقَبَائِلَ لِتَعَارَفُوا إِنَّ أَكْرَمَكُمْ عِنْدَ اللَّهِ أَتْقَاكُمْ إِنَّ اللَّهَ عَلِيمٌ خَبِيرٌ [2]

Enyi watu! Hakika Sisi tumekuumbeni kutokana na mwanamume na mwanamke. Na .tumekujaalieni kuwa ni mataifa na makabila ili mjuane

Hakika aliye mtukufu zaidi kati yenu kwa Mwenyezi Mungu ni huyo aliye mchamngu zaidi .katika nyinyi. Hakika Mwenyezi Mungu ni Mwenye kujua, Mwenye khabari

.Uumbaji wa mwanamke na mwanamme

Alama nyengine inayoonesha na kuthibitisha hekima ya Mwenyeenzi Mungu, ni kuumbwa kwa mwanamke na mwanamme, kwa kuzingatia tofauti na maingiliano yanayoonekana baina ya mwanamke na mwanamme tutafahamu na kuelewa kwa undani kabisa hekima zake Allah

.(s.w

Mwanamme na mwanamke katika baadhi ya mambo wako sawa na hawana tofauti yoyote,
-:miongoni mwa hayo ni

Kutafuta elimu, fadhila za mwanaadamu, tabia njema, kuwa na imani thabiti, na kufanya ibada,
yote hayo yanathibitisha kuwa mwanamme na mwanamke wako sawa katika kufanya matendo
.hayo

Na kwa yule atakayefanya jitihada sana katika kuyafanya matendo hayo mema, atakuwa karibu
na Mola wake, na Mwenyeenzi Mungu atampa ujira mkubwa kutokana na kufanya matendo
-:hayo. Kama vile Qur-ani inavyosema

[3] مَنْ عَمِلَ سَيِّئَةً فَلَا يُجْزَى إِلَّا مِثْلُهَا وَمَنْ عَمِلَ صَالِحًا مِّنْ ذَكَرٍ أَوْ أَنْتَبِهَ وَهُوَ مُؤْمِنٌ فَأُولَٰئِكَ يَدْخُلُونَ الْجَنَّةَ يُرْزَقُونَ
فِيهَا بِغَيْرِ حِسَابٍ

Mwenye kutenda uovu hatalipwa ila sawa na huo uwovu wake, na anaye tenda wema, akiwa
mwanamume au mwanamke, naye ni Muumini, basi hao wataingia Peponi, waruzukiwe humo
.bila ya hisabu

Kwa hiyo ili kufikia katika saada (njia iliyo bora) hakuna tofauti yoyote baina ya mwanamke na
mwanamme, na wote hao wanaweza wakafikia kiwango kilicho bora kabisa kiimani na kiitikadi
.katika kumuabudu na kumtii Mola wao, na wakawa mfano (kigezo), kwa wengine

.Kama qur-ani inavyomuarifisha mke wa Firauna kuwa yeye ni mfano na kigezo kwa wengine

وَضَرَبَ اللَّهُ مَثَلًا لِلَّذِينَ آمَنُوا امْرَأَتَ فِرْعَوْنَ إِذْ قَالَتْ رَبِّ ابْنِ لِي عِنْدَكَ بَيْتًا فِي الْجَنَّةِ وَنَجِّنِي
مِنَ الْقَوْمِ الظَّالِمِينَ [4]

Maelezo kuhusiana na aya

Na hapa inabainishwa kuwa watu wema haitowafika balaa itakayowafika watu wao walio
.wabaya, kila mtu atalipwa kwa amali zake

Cha kulipwa watu wema na wabaya “ni amali si ujamaa”. Na Mwenyezi Mungu amewapigia
mfano walio amini - mkewe Firauni, alipo sema: Mola wangu Mlezi! Nijengee kwako nyumba
.Peponi, na uniokoe na Firauni na vitendo vyake, na uniokoe na watu madhaalimu

Na kwa kutupia macho kauli ya Mwenyeenzi Mungu pale aliposema kuwa wanaadamu wote

mwanamme na mwanamke wote wanatokana na nafsi moja. Tunathibitisha hayo kutokana na
-:aya hii

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ
الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا[5]

Enyi watu! Mcheni Mola wenu Mlezi aliye kuumbeni kutokana na nafsi moja, na akamuumba
mkewe kutoka nafsi ile ile. Na akaeneza kutokana na wawili hao wanaume na wanawake
wengi. Na tahadharini na Mwenyezi Mungu ambaye kwaye mnaombana, na jamaa zenu. Hakika
.Mwenyezi Mungu ni Mwenye kuwaangalieni

-:Maelezo kuhusiana na Aya

Hapa inaonyeshwa kuwa Bibi Hawa kaumbwa katika udongo ule ule alioumbiwa Nabii adamu
– siyo kaumbwa katika mbavu za Nabii Adamu, kwa hivi kila mwanamme ana ubavu mmoja wa
kushoto kasoro kuliko mwanamke! Habari hii hakusema Mtume ingawa inatajwa katika baadhi
.ya vitabu vya tafsiri

Hapa inahimizwa kumcha Mwenyezi Mungu – kumhishimu ukafuata amri zake na
ukajiepusha na makatazo yake; kwani Yeye ndiye aliyekuumba na akakuumbia vyote
alivyokuumbia. Bali hata wewe mwenyewe ukitaka kumtia nguvu mwenzio asikuvunje, akufanyie
-:unalomtaka akufanyie, unamwambia

Nakuomba kwa jina la Mwenyezi Mungu unifanyie...” kwa kuona kuwa hataweza kukuvunja”
maadam umemtaja Mwenyezi Mungu. Unaona kuwa atalipa heshima ya jina la Mwenyezi
Mungu, hatalivunja, basi mbona wewe unalivunja jina la mwenyezi Mungu? Unaacha
alivyokuamrisha, au unafanya aliyokataza, unawataka watu wafanye usiyoyafanya wewe!
Namna gani hivi!. Na inaambiwa hapa kuwa Mwenyezi Mungu analiona kila jambo
.wanalolitenda waja wake, hata likiwa dogo vipi na likafichwa vipi

Hayo yalikuwa na maelezo kuhusiana na aya hiyo tukufu, tukiendelea na mada yetu, Na kwa
upande mwingine kwa kuzingatia mahitajio ya lazima katika maisha ya mwanaadamu, - kwa
mfano nguvu, au mambo mengine yaliyopo baina ya mwanamke na mwanamme, kutokana na
nguvu hizo au tofauti zilizopo baina ya mwanamke na mwanamme, - Mwenyezi Mungu
amewapa wadhifa watu hao (mwanamke na mwanamme) kutokana na sehemu waliyonayo.
Kwa hiyo kwa sababu mwanamke ana hisia dhaifu na moyo mwenye upendo basi yeye ana
wadhifa wa kuishughulikia familia na kuwalea watoto katika maadili mema ya kiislamu, na kwa

sababu mwanamme hana moyo kama wa mwanamke, na kwa upande mwingine ana nguvu, na
.kiakili anadiriki zaidi Mwenyezi Mungu amempa wadhifa mwingine

–:Pale aliposema

الرَّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَى بَعْضٍ وَبِمَا أَنْفَقُوا مِنْ أَمْوَالِهِمْ فَالصَّالِحَاتُ قَانِتَاتٌ
خَافِضَاتٌ لِّلْغَيْبِ بِمَا حَفِظَ اللَّهُ وَاللَّاتِي تَخَافُونَ نُشُوزَهُنَّ فَعِظُوهُنَّ وَاهْجُرُوهُنَّ فِي الْمَضَاجِعِ وَاصْبِرْنَ فَإِنَّ
أَطَعْنَكُمْ فَلَا تَبْغُوا عَلَيْهِنَّ سَبِيلًا إِنَّ اللَّهَ كَانَ عَلِيمًا كَبِيرًا[6]

Wanaume ni wasimamizi wa wanawake, kwa kufadhiliwa na Mwenyezi Mungu baadhi yao juu
ya baadhi, na kwa mali yao wanayo yatoa. Basi wanawake wema ni wale wenye kut'i na wanao
jilinda hata katika siri kwa kuwa Mwenyezi Mungu ameamrisha wajilinde. Na ambao mnachelea
kutoka katika ut'iifu wanasihini, muwahame katika malazi na wapigeni. Wakikut'iini
.msiwatafutie njia ya kuwaudhi bure. Hakika Mwenyezi Mungu ndiye aliye juu na Mkuu

Kwa hiyo Mwenyezi Mungu amempa mwanamme wadhifa wa kuisimamia familia , na hii
inaonyesha hekima ya Mwenyezi Mungu katika nidhamu ya kimaumbile. Na kwa sababu hiyo
basi pale Mwenyezi Mungu alipoashiria kuwa mwanamme ni bora anasisitiza kwa kusema
(kuwa Yeye ni Hakiym (yaani mwenye hekima

وَالْمُطَلَّقَاتُ يَتَرَبَّصْنَ بِأَنْفُسِهِنَّ ثَلَاثَةَ قُرُوءٍ وَلَا يَحِلُّ لَهُنَّ أَنْ يَكْتُمْنَ مَا خَلَقَ اللَّهُ فِي أَرْحَامِهِنَّ إِنْ كُنَّ يُؤْمِنَنَّ بِاللَّهِ
وَالْيَوْمِ الْآخِرِ وَبُعُولَتُهُنَّ أَحَقُّ بِرَدِّهِنَّ فِي ذَلِكَ إِنْ أَرَادُوا إِصْلَاحًا وَلَهُنَّ مِثْلُ الَّذِي عَلَيْهِنَّ بِالْمَعْرُوفِ وَلِلرِّجَالِ عَلَيْهِنَّ
دَرَجَةٌ وَاللَّهُ عَزِيزٌ حَكِيمٌ[7]

Na wanawake walio achwa wangoje peke yao mpaka t'ahara (au hedhi) tatu zipite. Wala
haiwajuzii kuficha alichu umba Mwenyezi Mungu katika matumbo yao, ikiwa wanamuamini
Mwenyezi Mungu na Siku ya Mwisho. Na waume wao wana haki ya kuwarejesha katika muda
huo, kama wakitaka kufanya sulhu. Nao wanawake wanayo haki kwa Sharia kama ile haki iliyo
juu yao. Na wanaume wana daraja zaidi kuliko wao. Na Mwenyezi Mungu ni Mwenye nguvu na
.Mwenye hikima

.Maelezo kuhusiana na aya ya 34 ya suratun-Nisaa

Hapa wanaambiwa wanaume wawe ndio wenye amri ya juu ya wake zao – wawaendeshe
mwendo mzuri sio kujifanya washupavu hao wanawake –hawataki kutii amri za waume zao.
Ikiwa hivyo hawatakuwa Waislamu wa kweli. Hata maelimu ya sasa – biology na nyenginezo
yanaonyesha wazi wazi kuwa wanaume wamewashinda wanawake katika baadhi ya mambo

.takriban

-:Tena zinatajwa baadhi ya sifa za wanawake wema na wazuri

Halafu ikatajwa adabu ya kutiwa wanawake wasiokuwa hivyo, kwanza waonywe kwa maneno tu na waume zao,yakiwa hayakufidi wawahujuru (wawatoe) katika malazi, – wasilale nao kitanda kimoja wala penginepo – wakitoacha jeuri zao hata kwa hayo pia,basi wanapewa .ruhusa wanaume wawapige wanawake hao pigo la kuwatisha, sio la kuumiza

Lakini hadithi za Mtume zimebainisha kuwa bora asifikilie katika daraja hii ya kupiga. Ajitahidi kumtengeneza katika taa kwa ile adabu ya kwanza tu, Ikiwa hapana budi na kwa ile ya pili basi, .lakini asifikie ile ya tatu

Akishindwa yeye kutengeneza awaite watu wawasuluhishe, kwani sulhu ndio kheri. Na hao watu inataka waingie wenyewe wasuluhishe hata kabla hawajatakiwa msaada wao, seuze .wanapotakiwa

Tena wanaonywa hapa hao wanaume wasiwafanyie jeuri wake zao bure kwa kujiona kuwa wao .wakubwa

Mwenyeezi Mungu Mkubwa kabisa zaidi juu yao. Na Maulamaa wengine wanafasiri -""Haafidhatun Lilghayb" kwa tafsiri hii

Wawe wenye kuhifadhi siri zinazopita baina yao na waume zao, na siri zinazopita majumbani mwao, kwani mara nyingi wanawake wanakuwa waropokaji, wazee wa kizamani wakisema kwa -:kiswahili cha kizamani

Mengi hayarongwa" yaani pana mengi kabisa ambayo haifai kabisa kuyasema, seuze" .kuyatangaza

".Mambo ya nyumba kunga. Aibu kuyaeleza"

Hayo yalikuwa na maelezo kuhusiana na aya ya 34 ya suratun Nisaa, na sasa tunaendelea na mada yetu. Lakini ni lazima tuzingatie kuwa ubora huo wa mwanamme ni katika kuisimamia na kuiongoza familia tu, ama katika fadhila za kibinaadamu na kijamii hakuna tofauti yoyote baina .ya mwanamke na mwanamme

Surat Al-imrani aya ya 6 [1]

Surat Hujurat aya ya 13 [2]

Surat Ghaafir (Al-muumin) Aya ya 40 [3]

Surat Tahriym Aya ya 11[4]

.Suratun-Nisaa Aya ya 1 [5]

Suratun-Nisaa Aya ya 34 [6]

Suratul-Baqara Aya ya 228 [7]

MWISHO